

手摩拭面目次將兩手第二第三指於眼下橫手摩三七遍次將左手中指從眉逆拓上至髮際三七遍此名爲手朝三元次將兩手二指三指各摩眼後靨中三七遍此名爲真人榮瑩府又將左手第二第三指入鼻孔中摩三七過名爲開山源又將兩手將耳畢叩齒三十六通微咒曰

太上四明九門發精耳目玄徹通眞達靈天中之臺流氣調平驕女雲儀眼瞳英明華聰晃朗百度眇清保和上元徘徊九成五藏植根耳目自生天臺鬱素梁柱不傾七魄澡鍊三魂安寔赤子攜景遙與我弁有敢掩我耳目太上當摧以流鈴萬凶消滅所願必成日月守門心藏五星眞皇所咒羣嚮敬聽此名眞人常居

### 道藏輯要

雲笈七籤

三十六

井集三

之道故眞誥曰子欲夜寫書先當修常居也

修天真曰暮咽液三九過以手舉急按

天真

天真在眉內角者也

山源

在鼻下人中入谷裏也

華庭

在兩眉下中是也

各三九過按

而咒曰

開通天庭使我長生徹視萬里魂魄返嬰滅鬼卻魔來致千靈上昇太上與日合弁得補真人列象玄名此道令人致靈徹視杜遏萬衰如此亦可以次按亦可一時俱按行咒之

道士被天魔所試卽誦拂魔咒

出消魔經

先存思頭上圓光如日左朱雀右玄武紫霞之蓋光明身形仙童玉女執五色之節從三界萬神前嘯九鳳後鳴八鸞白帝啟道太極參軒叩左齒三十六通叩右齒二十四通叩天鼓十二

通微咒曰

羅天毒獸備巨四門吞流割膽山醜萬羣張喉攫天猛衛高聲  
毒龍奮爪金頭橫吞威兵巨萬受符接山六天不恂合玉成羣  
妖魔波洋穢氣紛紛謠歌空洞禮帝障雲水鬼賈形當人生門  
神王所告無幽不聞上攝六氣下檢河源五嶽四瀆善惡速分  
萬萬千千來對我前五帝校錄有功者原凶魔千羣束形帝君  
敢不從命所誅無蠲屠割剝腹斬首滅根北鑊瀆湯南陵火焚  
金真錄氣流鈴捕魂妖爽無遺極盡形元身佩天書宣行正文  
滌蕩九氣清明三元立舉天真上合自然莫有干試敢動上聞  
引氣十二咽止

道藏輯要

雲笈七籤

三

井集三  
×廿川

玉帝衛靈咒鬼上法

出消魔經

玉帝咒曰

九天有命上告玉清促召千真俱會帝庭太一下觀雙皇翼形  
監察萬邪理氣攝生若有不祥干試神明清帝之道整飭神兵  
七神素鍔天鋒右征揮劍前驅煥擲火鈴檄命甲騶武卒天丁  
風火齊戰伐邪狡精上威六天下攝魔靈既威既攝萬凶滅形  
神戈電掃姦妖無生仙皇秉節有命敢停拒節違令是誅汝形  
各驚各慎保茲黃室九天告命萬神敬聽急急如律令

若夜恐怖夢想魔鬼試人干犯真氣欲病者急急念此咒心存至  
道求請於帝乃向北叩齒三十六通閉氣密念前咒咒畢又叩